

平定回疆方略

卷一百一十五

平定回疆方略

平定回疆方略

孝義

孝爲百行之原天性所發本無間於智愚推而廣之行成於內德著於外立身涉世諒無有蹈於不義者矣蓋孝順德也行義之所由基也顧或謂行以孝先乃德之常子以孝著必事之變嘗見顯蒙之士天懷發中亦有動於不自己者又寧必概以歷山號泣罔曾安養哉至若鄉曲布衣敦宗睦族好行其德出於其心之自然是亦修德行仁推本錫類之儔也惟孝與義是爲福基焉筆以書用昭欽錫志孝義

高平縣志

卷之十四

孝義

隋田懋德仁恭子開皇初以父軍功錫爵平原郡公丁父艱哀毀骨立廬於墓側負土成墳文帝聞而嘉之詔表其閭

唐雍仙高數世同居天子旌表門閭賜粟帛復賦稅有司歲時存問見唐書孝友傳

金張完父早歿事母以孝母久病妻養母有怠卽出之會歲稔出粟賑饑多所全活有貸錢者百餘人度不能償盡焚其券

王敬飭躬勵行洪武初舉秀才母喪傍徨墓所數日不忍去父歿之始歸父歿廬墓哭奠三年事繼母如所

生永樂間以孝行卓異遊門子遂由舉人出太僕寺丞  
父母繼逝廬墓六年事聞旌表父子並從祀

王起孝正統中以孝被旌

李振民有孝行父歿哀毀廬墓晨昏哭奠會早霜殺禾惟  
周廬四十餘詒不為災且有雙穗之異成化間旌表

李克紀嘉靖間監生赴銓選道出潞安適賊據青羊山克  
紀應募往招撫仗義說之事漸平而克紀卒後改青羊  
為平順縣叙功追贈易州判官

楊汝節目不知書親歿廬墓三年絕跡內室有司旌表邑  
人馮養志稱為獨行末俗所難

高平縣志

卷之十四 孝義

徐行善事繼母克全子職淡泊自甘時袁繼成為學使者  
重其行飭縣表閭

姬國瑞諸生撫弟國瑞有恩比歿瑞撫其子顯廷亦如之  
會水漲瑞携孤姪跨馬疾馳而聽二子徒涉日義不得

以吾子先兄子竟兩全焉顯廷舉鄉薦不仕隱於醫  
張養心父母歿廬墓六年哀而盡禮官師旌之勒石以誌

又李瑾舉人令臨淄父母歿亦廬墓

田應運事繼母孝撫請弟有恩每出粟賑濟鄉隣子大良  
庠生力學慕義獨脩學宮泮池

妻養志農夫也有上堂無罪人置里中事毀遺及其兄養正

論死力請代刑已而雨釋時其孀之

趙倫太僕卿執祖起解官糧數千緡夜遭賊劫倫拒敵被殺官銀得保有司追給義官旌表

王錫宏治己未進士令新會歷裕州守轉廣州性至孝母老不能待與人言輒流涕諸公爲繪望雲圖以表之

王珂服賈遠出抵揚子江夜鄰舟被劫珂奮身往救盜驚散商船分金以謝珂堅辭不受一時高其義

張澤性寬和謙順里有惡少肆辱閉門不與校負貸者悉置之生平絕跡公門

楊可楹樂善好施撫孤嫠俾成立貧不能婚葬者助之債

高平縣志

卷之十四

孝義

三

不能償卽焚其券絕跡公庭人高其行誼

焦一春事親孝與物無競好義樂施鄉黨稱焦善人有司累旌其門

石有璞篤厚和光齒德並著庭訓有方人推耆宿

郭紹芳東父落魄嗜酒有意氣嘗出行見一蹇在田食稼而久不見人疑而控之揣其所負金也會日將暮逐前跡之一人醉卧道傍諦之爲徘徊李五撼而訊之寔爲官解銀五百餘兩卽以裝付之五感激願致百金爲謝謂卻不受歸而語妻申氏申氏曰君能處心濟物如此吾家其或興矣次年遂生東

李澹業性嚴正慷慨好義樂施予邑宰王請與鄉飲壽贈  
大耋以令名終

湯文盛老成持重與世無忤教子有方青衿登出惠澤多  
在人口有司褒其齒德

邢堯民端潔嚴肅教子義方救荒恤鄰施恩不居齒德高  
於鄉里

崔堂懋德大年屢延鄉飲樂善好義捐貲修文廟子子明  
弱冠登第

張崇恩敦本尚寔教子成名雅量寬平人推長者  
畢應科古貌古心善事善教解紛排難砥節彌行捐貲以

高平縣志

卷之十四

孝義

四

張流離典田以完婚葬五十餘年事庶母如一日服勞  
承事人無閒言

楊朝光善守身勤色養推愛以給妹貧親親以裕外家之  
後舟麥助喪貸金不責義行種種昌厥後人

田馭華文行兼著家庭肅穆誘啟後學津津不倦屢與鄉  
飲

縑元珍樂道安貧敦倫重義撫遺孤二十口胥資成立立望  
重藝林

張克正安貧力學絕跡公庭束脩自勵人稱古道君子  
王命予篤實純良平生不矜已長不言人過遇荒歉捐金

濟眾舉行傳

李鶚性喜施予告匱者自多寡必應積迎不能坐以破券遣之  
弘治中輸粟賑饑授義官

蘇韶性慷慨歲饑出粟數百以活貧又饑慮民益瘠而懼  
還以遁也遂焚券誓于忠事母以孝聞甲申表節孝其  
母以節婦並膺旌服里人榮之

國朝蘇天福好義喜施予盜起保聚鄉里賊不敢逼修太  
行東路一百二十里山行稱便捐五百金修文廟尊經  
閣並兩廡神厨齋宿所身親監督妻亡不服面訣閭邑  
義之

高平縣志

卷之十四 孝義

五

畢一棟家貧常走潞安負米供親日治田山中辰必歸視  
飲食父母甘則喜事祖母陳一體父志孝養甚篤父家  
世農嗜讀書一棟命子振姬學曰能得爾祖父歡心吾  
雖勞不苦也事繼母如所生收葬族之無後者子振姬  
積學著聞

李志巒性孝父客於外病歸研醫躬治不愈父卒哀毀踰  
禮至煩母米切責及母死廬墓三年人稱其孝又有高  
才能文章畢振姬稱其長於用意趙介亦避其鋒銳  
為誌之

蘇元微馮村里人性至孝父光患病思牛肉不可得元微

割左臂肉以進病遂已知縣自批云割臂救親高平之  
瑞宜加獎賞以風後人

田多壽魏庄東里人順治六年父生蘭死於兵母史被掠  
多壽時五歲伶仃孤苦幸得長成康熙九年辭鄉里訪  
母於都城二載始得傾家產贖歸奉侍終老上下莫不  
稱之

宋璉米山鎮人家貧父鰥璉奉事必具甘旨務得父歡父  
好博偶亡錢不憚璉竊知其故貸錢如數僞作拾遺紫  
以進父喜以爲所遺錢復得也其善承親志類如此時  
人名其地爲孝子家云

高平縣志

卷之十四

孝義

六

張駢壁諸生母楊性卞急曲意承事母歿哀禮交盡又多  
義行贍病妹舅外氏師事崔子明崔故援其家難友人  
郭鎬死母子無依迎至家養給終其身著有愛吾廬稿  
趙臧諸生獨殯墓祖母仲叔死頴川間關二千里扶襯歸  
墓又墓其季叔士杰好樂育人才遠近多師之

宋才少孤事母孝貧依姊夫張某灌園爲生後張老病孤  
苦才爲生養死葬人以責逋相詬輒出已貲解之入稱  
其義死表其阡

東諸生父昌文嘗憤貧困携薄貲遊廣西二十年不返  
東少長日牽母衣問廣南所在母以手時時對涕泣及

辭母將往尋會母病久之愈乃爲弟婚娶伴奉母日資  
父雅嗜物徒步走太行山遇盜以挺擊之幾斃至漢口  
急附舟沈於水遇救免及抵福山鎮四訪無踪遇客言  
父寓瓊遂航海走瓊州訪知父嘗娶妾生女今歿已十  
三年妾亦適人矣乃求妾所在問父墓出賣物哭奠極  
哀爲女弟擇配乃負父骸北渡瓊海過雷江涉麓湖經  
觀音崖暨韓瀧湘潭諸險凡往返萬八千里重跣迸裂  
血流被土崎嶇萬苦乃克歸父骸於祖墓製服設奠觀  
者萬人事聞 詔旌其門

許貴祖朝家於萬歷間創修南陳通濟橋以便行旅歲久

高平縣志

卷之十四

孝義

七

新圮貴復重修堅固有加祖孫好義世濟其美

郭綸音奉祖訓忍讓饒三字終身佩服不忘父存日有貸  
銀粟者券約甚夥遵母命召貸者各還之一時義聲遍  
閭里

朱先正性寬和事親孝謹尤好施予遇貧乏者厚自賑恤  
嘗立義學延師以訓村蒙修長途俾行者無崎嶇之苦  
王文宇馬村人貿易完縣與葛東岡友善東岡有子悞弗  
克自立陰以八百金託文宇無何東岡死文宇教其子  
將所遺金還之完縣令孔君爲立碑表其事

平位坤明諸生切英穎喜讀書癸酉就試太原會流寇起



中道亟還翼其父避南山中猝遇賊度不獲免委身創  
賊賊斃之刃及頸者四斷未及喉血淋漓佯僵卧獲免  
寇稍背發憤卒業鼎革後父卒哀毀骨立服除遂不復  
言科舉事平生負意氣分財賑宗黨恤患破產不惜子  
兆捷成進士勗以遠大老益好施享年七十二卒  
李耀傳國學生性質實好義雍正元年以孝廉方正舉因  
老力辭晚益好學分輯府志多所發明

李培甲內閣中書溫厚醇雅中抱淵實康熙壬寅歲被擢  
賞設粥廠食饑者全活甚衆性至孝年踰五十逢先忌  
行禮猶伏地爲孺子泣家人掖之始起年六十七卒子

高平縣志

卷之十四

孝義

八

錫誥培甲晚年生竭力事親母卒哀毀踰常父諭之曰  
兒獨忘而父耶遂忍泣背常撫膺痛父歿廬墓三年事  
庶母一體父心律身儉約至施助承先志不少吝也  
李芳貧未讀書性至孝母武病癱瘓扶起卧除穢溺不交  
妻孥三年如一日竭力菽水一本誠敬生養死葬貧能  
盡禮邑人稱之

趙淑抃字馨蘭廩生工於詩賦品端學邃試輒高等教授  
生徒多所成就進士畢濬家貧不能學抃收之門下飲  
食教誨卒成之舉人王金鑑亦其高第也鄉人非惟服  
其善教胥欽其行義焉

後純奇字素之庠生賦性強正里居避公事慷慨剖少是  
非必公遠近悅服既歿里人立石表其墓曰剛直楊公  
故思碑舉鄉飲子孫多列學校

司允經石末里人孝友忠厚父喪號泣數千里扶柩禮葬  
好行其德待以舉火者數十家遇同儕侵蝕默不與較  
久之其子昌齡請追夙逋怒曰吾爲德而爾爲怨彼力  
能償寧待索乎吾望爾讀書成名何乃圖此嗟嗟者於  
是悉折其券善楷法端居讀書教子不遠數千里博訪  
名師子昌齡遂爲通儒弟九儀諸生天姿穎異凡陰陽  
星歷六壬戰陣諸書皆能言其意而於宋五子之書尤

高平縣志

卷之十四 孝義

九

好讀之中歲寄意岐黃獨有心得耽酒有飲德疎財尙  
義樂善不倦與兄類遠近推之

牛如龍澠洋孫邑諸生性朴質務敦實行持家儉而有禮  
母宋善病調藥奉饌不暇婢妾三年  
老且病謝生徒親侍床褥衣不解帶者數載聞邑議公  
舉其孝行辭曰吾循吾分耳曷堪辱聞與兄友愛終身  
子官臨刑戒之曰實心爲之無趨巧勿邀名盡一分心  
卽報一分國年六十一卒於子任

袁九錫議叙衛千總性慷慨急公好義縣  
文廟傾圮獨  
任修葺捐貲一千五百八十兩有奇年逾七十躬親督

理不憚勤勞殿廡祠宇皆頽然整肅功竣後復置地三十八畝捐銀三百兩存公以脩歲修時葺獨力成事兼圖久遠闔邑義之又嘗修井路二條五載成功費銀七百餘兩乾隆二十四年荒捐貲八百金周濟六庄隣里婚姻喪葬貧者胥仰給焉樂善好施蓋至老不倦云

趙繼芳增生孺慕性成母苦節盡心色養常以不克顯揚爲憾性和平溫厚與物無競及剖是非決可否獨能洞徹事理排衆議抒己見雍正七年奉 詔保舉行優名達部未仕年七十卒

邵煥松武生年將七十猶懷孺慕事繼母不啻所生親歿

高平縣志

卷之十四

孝義

十

喪葬盡禮教育幼弟有聲庠序撫孤姪成立好施予孝友端方曾經詳請獎勵

李錫銓國學生中書培壽子伯兄中殤父思子成疾銓晝夜籲天願以身代湯藥必親嘗始進及歿喪葬盡禮不櫛沐者三年事繼母姬脩極色養二十年如一日兩弟幼弱伯兄遺孤亦在襁褓撫育訓課胥各成立竭力承繼母歡積勞成疾年四十三卒母哭思其孝養未幾亦卒

李樹庸恩貢生世家子好學有文譽家貧性慷慨有告艱者貲予不吝出重貲修葺廟宇冬置木橋於縣河以便

往來候選教諭未仕終

張煥庠生壺陽公孫濬子也少入學從外祖陳相國讀書京邸聞父病一千四百里六晝夜徒跣而回躬侍湯藥衣不解帶者三年與兄友愛兄無嗣祖遺產業悉讓之俾買妾生子老篤於學多所培植年六十五卒

焦潤貴董自福喬村驛人曉起於路拾銀一襖二人計不義之財不可受相與送驛丞所乃河內縣客李秀環等交驛夫之所遺也從官認領欲分謝二人二人不受當事優獎之

趙爾昭邑廩生弱冠舉優行父亡撫孤姪懇摯事孀母誠

高平縣志

卷之十四 孝義

十一

孝在庠三十年啟迪後進有師法弟爾明亦孝友安  
雍正七年奉 詔保舉居家孝友才守端嚴人才品行堪任驅使未仕卒

張瑞生便弓馬習韜鈴雍正九年 詔舉智勇兼優之士

督學朱以名應有司促具裝自謂馳驅王事吾志也第母氏篤老何忍離固辭不允會西師解嚴乞歸盡心色養母喪畢慨然曰吾今乃可出矣會金川用師輸貲佐餉授守禦所職未及試卒兄敬生少佐父業於外親老奉歸補博士弟子員讀書討論古今慨然有經世志勇於赴義不才石不侈以助餉議叙錫秩

趙家監生四行端方家定孝友教子有立又名年八十一強健  
如少壯鄉里推其齒德公舉焉

張瑞城北布衣賦性淳厚好善樂施與兄友愛析產讓胤  
居瘠戚黨待以舉火者甚眾居鄉正直不阿教子有義  
方並有聲庠序

祁斯清孝義人武生性亢直好施予與人盡情無隱吐詞  
茹柔人樂其坦易歲歉貸貧者粟不責之償助族人舉  
四世喪與之貲以養母井坡路圯獨修之通醫蓄藥濟  
人常教其子曰人不可不讀書經史之外醫理尤宜知  
也同堂兄斯滄謹於內行事諸父諸母愛敬兼至待人

高平縣志

卷之十四

孝義

三

以誠未嘗有惡聲厲色同爨百口立之規條內外遵守  
無間言稱家督焉

田毓榮邑諸生次何子也醇謹有至性以孝弟稱幼時母  
疎有胃疾發輒憂泣不寢食歷久遂病肝鬱居喪哀毀  
盡禮後絕意進取兩兄早卒撫諸孤如已子姪孝慮疫  
家人懼傳染不敢近獨力爲調護卒賴以安年五十六  
卒

邵世可附監生世業儒事親孝與弟友愛弟歿教言孤子  
女如已出與人犯而不校重然諾急患難扶危濟困無  
吝古貌古心鄉評推重子五俱克繼家聲

張欽璿建寧後里貢生建寧舊有文廟尊經閣年久將廢璿糾工舉正功未竣而終子監生賡堯繼父志督理告成立有碑記前任吳以義以孝成匾旌之

李全印永祿里監生孝友好義每春於閭里量口貸粟及秋如數以償不計子母韓山法雲寺傾圮出重貲經營數十載新之勒有石記

楊金枝西社里民性寬和好施予里有龍泉寺將廢金枝出貲糾眾重修一新年三十喪偶誓不再娶鄰里推其義行焉

邵烜西陽村人性公道戚里有急賑貸不責其償建文昌

### 高平縣志

#### 卷之十四

孝義

十三

閣於村南水口延師教鄉之子弟率多成就年八十有六卒

李林長受村人相舜子少失母事繼母卽盡孝母染癆嗽之疾卧病二年相舜遠出林見母病危醫藥不効遂割左股肉一塊暗投藥中母服之半月而愈林股半年始痊今其母尙存

侯思玉性至孝父病奉侍湯藥寢食不遑父歿哀毀骨立兩兄相繼亡事母篤於孝養爲兄立嗣產均分焉母歿三年苦塊塋之以禮康熙六十年歲饑貸貲以濟貧者不責利修葺村中祠宇獨任百餘金平生好義濟難捐

費不恤

孫永祚誠篤好義親老朝夕侍側未嘗少離經營社倉十餘年出入惟謹家故習農獨重文學特設義塾多所成就壬寅歲歉散所儲以賑鄰里居臨丹水秋冬築橋以濟往來厥後子孫奉行不替

李秉忠監生少孤稍長曲體親意教育部姓甥西人助其婚娶堂姪瑤週歲喪父一門五孀爲之治田產理家務俾無失所生平好施予和平忠厚母養未終賣恨以歿李淮事繼母秦如所生再從弟勿失怙恃多方撫養爲之婚娶給以田產康熙五十九年歲歉設法運米以濟貧

高平縣志

卷之十四 孝義

十四

乏遠族相投留供不替中年而孀妻崔守節撫孤兒列女

王如蘭四歲而孤寡母苦節自力衣食已知憐惻年十五母病無力致藥餌中夜衣冠仰天拜祝至曉乃止閨三夜母病已終母之世計力所獲以養未嘗遠離且念父兄早逝三世遺柩未殯積藜藿之餘葬其祖父及兄並祖行之無嗣者二父行之無嗣者一外家乏嗣外祖父母亦葬之

楊上通才短而性孝父母惡之時時撻罵未嘗疾怨妻李亦克順夫意謹事公姑父昭使貫易江南感重疾歸值

妻亦病父愈怒然夫婦愛敬不少懈久之父始感悟調治之父母歿哀毀致疾妻李禱於柩前願以身代自是誓不茹葷棄產助兄喪葬盡禮夫婦抱疾度日迨年五十精力忽強人爭傳以爲孝感云

土清選少孤事母盡孝母侯失明躬親侍養不離左右二十年如一日母歿喪葬盡禮積勞成疾年甫四十卒楊增故思文院大使培棟孫性至孝家貧如洗教授度日奉親甘旨每飯必具雖鶉衣不恤也侍父病三旬不解衣父歿水漿不入口者三日喪葬守禮祭祀必供父所嗜至今子孫猶承其志焉

高平縣志

卷之十四

孝義

五

李瑜監生好善喜施予清涼山廟宇傾圮創首捐修又特建關帝廟於其左助喪葬給藥餌解紛釋事隣里咸仰之子培恩性至孝侍母病衣不解帶者旬餘叔苦寒資給頭養之再從兄歿妻携其子他適親往抱歸撫養之長爲之授室分與產好義樂施一如其父云

隱逸

易稱天地閉賢人隱士君子懷瑾握瑜甘沉淪於草澤猶得謂爲泰交之運耶願人各有志不容相強堯舜在上下有巢山箕山潁水高風自越千古得其志而爲之披裘負薪樂在其中正不得謂孤踪高蹈非本懷也



高平近太行之麓山深林密冥鴻霧豹間有其人緬思夫風月嘯歌抗懷自得流風如昨徑跡未泯掃石壁以題詩訪幽蘭於空谷五芝八桂不禁低徊不置云志隱逸

宋張宗古幼負大志優於文學父母早逝或勸之仕以行志也親老而養不逮吾志安乎居恒樂善喜施嫁宗之孤女五人瘞貧乏不能舉者十餘喪宗族兄弟有官本郡者屏居山澤不一造其門既罷情禮款洽如初人稱真孝廉云

張克柔以理學自負性爽慨重然諾屏跡山林布衣蔬食

高平縣志

卷之十四

隱逸

六

處之淡然顯者每顧其廬苟非其人則辭而避之

王照質朴有古人風爲學以理道爲主不事章句深居屏迹灌園種樹以終老每接人必稱說格言鄉里感化無少長咸親之

元李希白有駿才時當元季謂鄉人曰此忠臣義士奮發之秋吾力不能而復覩然事之恥也遂屏居無仕進意一時朝士俱知其名

張起巖性嚴重與人寡合獨與韓維學游爲忘年友同隱居龍山號東崖維學嘗語人曰張東崖宋魏野之流也日相過從放歌自得著有泔水唱和集維學亦高士嘗

著有野川文譜

張才與兄播齊名恬退不仕嘗種瓜自給有竊瓜者反爲之開棘其人慚謝

張汝弼事親孝以詩名世遁跡莒山嘯歌獨行性喜薇自號薇田扁其室曰薇齋

韓嗣宗號丹川隱士舊志未詳其事跡亦高流也

明陳錦性高鯁幼習舉子業恥事勦說後隱於西山之麓曰修不必耀貴不必爵知不必人行不必身竟以此自終時高其操

國朝趙蔚字知岑性安雅沈密志端而行方隱居絕意蓋

高平縣志

卷之十四

隱逸

七

華博覽載籍尤潛心於性理之學既老猶日玩易象及春秋傳熟於史比歷朝成敗興廢之端皆能提其綱於程子鄉校之陰隙地構齋曰端本掩關獨坐研究聖賢之奧寡言笑重道義年七十卒司靜山誌其墓稱爲真處士云

寓賢

路史云舜耕於歷山漁於濩澤小大悅之雄陶方回等七人不辟而至謂之七友迨既禪始逃之士非其產每經過胥艷稱焉高平澤之衝邑也名流間俗長者停車一時耳目所屬千載想其風流矧當年不三編紉之

交池口或有終焉之志寧關土音者樂咏自勵志高賢  
唐薛僅字仲用漢御史大夫廣漢後自沛居河僅拔萃起  
家開元二十年將巡潞灌擇才能俾宿儲侯以左拾遺  
爲屯留令在任七年乃居於高平山別業屯留民懷之  
徐季鴿爲撰屯留令薛公善政碑

張誨其先世居清河祖嘗爲和川令因家焉誨復徙居高  
平自號拙菴以文學名世專經術富篇韻所交多一時  
鴻儒居鄉不苟人胥稱之

宋李常侍福王之後家隴西成紀縣五代時爲澤州守遂  
占籍高平善治生勤於農桑與傭奴力作不少憊退休

高平縣志

卷之十四

高賢

十六

卽讀書鼓琴以修其家學事親處兄弟教子皆盡其道  
敦尚行誼遠近慕之五府連辟不就年九十三卒葬於  
董寨村

金王謙少沉靜有志操是非喜怒不形於色隨母氏至高  
平愛其山水佳麗遂家焉受學於翰林學士王晦元經  
釋典九流七畧咸所精練以子貴封朝列大夫卜築西  
山直躬化俗有太邱遺風

隱有守字達甫休寧人工詩王仲房曰達甫弱冠從親官  
長平一見常訝事倫歸而詩名遂起見列朝詩紀有秋  
日過大雲寺一首

張恂陝西涇陽人進士因關亂潛避高平遨遊山谷以  
嘯歌自適

舒聲江南人寓高平米山以潞安籍登鄉舉

宋肅城武人進士避亂居高平陳堰村登臨閑適有翫  
然出塵之想

藝術

詩書禮樂大道寓焉片長薄技致遠通方者所不屑也  
願尺有所短寸有所長嘗見士君子遊心技術超心妙  
解伴造化通鬼神藝也而幾乎道矣故夫陰陽卜筮醫  
巫音律相術技巧載於紀乘者大率賢智之士借以隱

高平縣志

卷之十四

藝術

十九

迹藏名而濟物利人功在一時業傳千古詎得謂區區  
末技固不足數歟志藝術

晉王叔和為太醫令博通經史洞識修養之道精診切纂  
岐伯華陀等書撰脈經十卷脈訣四卷脈賦三卷辨晰  
最詳張仲景作傷寒論文字錯簡迨叔和撰註編次始  
成全書見唐甘伯宗名醫傳考任邑之王市村今土窰

藥碾猶存辨見人物

九李肯堂巧思強記善指書及家籍之學有西溪法帖行  
世

史漢魯少學易入五臺見老翁以開心符魯讀之吞之

卜筮陰陽九宮兵法風雨無不立應

王友古博物洽聞尤精天文及九章法且有筭而知人之  
隱嘗集渾天鼓器銅鳥漏刻候風諸巧製並圖之以爲  
準

李玘少以醫著後善圖緯且能煉形服氣晚年彙釋者而  
一之

國朝三銅道人不知何許人諸生成周佐母病喚百藥罔  
效一道人過門索蔬具見之曰喉有祟吾爲子手療否  
且殆矣擊所持棕扇柄出紅丸七令吞之又彈頂後吐  
數肉蛾蠕蠕動旋納之袖中語周佐謝我銅三斤足矣

### 高平縣志



### 卷之十四

藝術

二

取以付再出失道人所在殆非世人也遂著三銅道人  
傳傳諸人周佐才而有義聲畢振姬與之友

郝惠之上黨人善醫邑人仰賴者衆因卜居於城北村占  
籍焉子芳幼聰敏好學其父與講論脉理輒會悟弱冠  
徧覽羣書無不通貫療治多效遠近徵請盈門不擇貧  
富人服其德公舉爲醫學

### 仙釋

昔廣成子與軒轅黃帝授道於玉屋今道壇臺殿猶存  
至西土教宗自白馬駒經青蓮現像遺踪流衍廣被中  
華漢唐以來梵宇琳宮鱗次相望昌黎復出其亦不能

人其人火其書矣夫仙釋非聖教也顧魏史並紀靈徵  
元史亦傳釋老載籍所錄往往足傳是正不必衍南北  
之宗推內外之學而錙元托跡一顯靈奇固珥筆者所  
不能沒矣志仙釋

漢費長房修真於邑之南山有提壺賣藥翁日行市中入  
壺以憇長房見而異之禮爲師翁曰孺子可教並引壺  
中絕非人境遂予竹杖及縮地法數千里頃刻可至後  
不知所終

唐李通敏晏六世祖彙科舉學辟穀去妻子隱於西山不  
入城市年逾百歲無疾終後有遇於王屋者儀貌如生

### 高平縣志

#### 卷之十四

仙釋

三

因名山暨井爲遊仙

後唐大愚居舍利山調演聲律能達旨要年九十餘一日  
別其徒曰吾將歸矣端坐而逝洞中嘗聞五音聲後人  
因以爲名嘗作上心王狀奏六賊表蓋教乘喻言也錄  
進昭宗並韻母三十字詔賜田百頃祠部牒三十八道  
紫衣十道有愚公塔心王表碑在金峯

金姬志真號洞明子皇統中遊五岳歸語所親曰人生一  
夢耳捨宅作觀名清夢服紫衣爲道士見觀碑

元馬仙姑永平人幼慕棲真結屋縣西通義里日以鍊形  
爲事室旁產香草飛鳥不期而集一日正襟澁後人每

覓其星冠霞帔步虛往來立祠祀焉今董峯菴有石柳  
卽委蛻處

按孝友睦婣任恤先王以之教萬民祇父恭兄脩之  
門內是亦爲政矣推而廣之鄉鄰宗族施德行仁量  
力所能稱心而出人心世道詎不益徵古處歟若乃  
獨善其身蕭然高蹈士固有各行其志者抑或流連  
勝地隨遇可安仁里德隣美兼主客至名成一藝智  
巧攸關寄跡方外功脩名著銓綜人物胥附載焉亦  
採風者所樂聞也

